

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 13. stav 3. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) na usaglašen prijedlog ministrice Ministarstva zdravstva i ministrice Ministarstva finansija, Vlada Zeničko-dobojskog kantona, na 113. sjednici, održanoj 14.01.2026. godine, d o n o s i

O D L U K U

o mjerilima za osiguranje elemenata standarda za investicijsko ulaganje za uspostavljanje integrisanog zdravstvenog informacionog sistema na području Zeničko-dobojskog kantona

Član 1.

(Predmet)

- (1) Ovom odlukom utvrđuju se mjerila, način finansiranja, raspored i odobravanje novčanih sredstava iz Budžeta Zeničko-dobojskog kantona za 2026. godinu u ukupnom iznosu 8.148.746,80 KM (slovima: osammilionastočetredesetosamhiljadasedamstočetredesetšest i 80/100 konvertibilnih maraka) Zavodu zdravstvenog osiguranja Zeničko-dobojskog kantona (u daljem tekstu: Zavod) za uspostavu integrisanog zdravstvenog informacionog sistema na području Zeničko-dobojskog kantona.
- (2) Sredstva iz stava (1) ovog člana osigurana su u Budžetu Zeničko-dobojskog kantona za 2026. godinu („Službene novine Zeničko-dobojskog kantona", broj: 24/25) u iznosu 8.148.746,80 KM (slovima: osammilionastočetredesetosamhiljadasedamstočetredesetšest i 80/100 konvertibilnih maraka) na razdjelu 21, budžetska organizacija 01, potrošačka jedinica 0001 – Ministarstvo zdravstva, planirani rashodi na poziciji 615100 – Kapitalni transferi drugim nivoima vlasti-za zdravstvo.

Član 2.

(Mjerila za finansiranje)

Mjerila za finansiranje informatizacije zdravstvene djelatnosti sadržana su u:

- a) Strategiji razvoja Zeničko-dobojskog kantona za period 2021. – 2027. godine,
- b) Akcionom planu Vlade Zeničko-dobojskog kantona za period 2021. – 2027. godine,
- c) Zaključku Vlade Zeničko-dobojskog kantona broj:02-33-748/26 od 12.01.2026. godine kojim je primljena na znanje Informacija Zavoda zdravstvenog osiguranja Zeničko-dobojskog kantona o provedbi uspostavljanja integrisanog zdravstvenog informacionog sistema na nivou Zeničko-dobojskog kantona broj: 01-33-25171/25 od 28.11.2025. godine, a koja čini sastavni dio navedenog Zaključka i
- d) Programu utroška sredstava za uspostavu integrisanog zdravstvenog informacionog sistema na području Zeničko-dobojskog kantona broj: 01-33-602/26 od 12.01.2026. godine, koji je sačinio Zavod.

Član 3.
(Namjena sredstava)

Na osnovu mjera iz člana 2. ove odluke, sredstva iz člana 1. stav (1) ove odluke raspoređuju se Zavodu zdravstvenog osiguranja Zeničko-dobojskog kantona na sljedeći način:

Rbr.	Namjena sredstava	Planirana sredstva
1.	Nabavka nadogradnje postojećeg softvera za elektronski zdravstveni karton kroz:	2.221.993,80 KM
1.1	nabavku softvera za uspostavu elektronskih zdravstvenih knjižica za osigurana lica Zeničko-dobojskog kantona	1.392.300,00 KM
1.2	nabavku kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere	186.193,80 KM
1.3	nabavku nadogradnje sa funkcionalnostima za upravljanje bolovanjem	643.500, KM
2.	Nabavka nadogradnje postojećeg sistema radiološke dijagnostike i preventive	3.042.000,00 KM
3.	Nabavka nadogradnje eRecept aplikacije kroz:	1.194.453 KM
3.1	proširene kontrole režima propisivanja lijekova, novim izvještajima i administraciji	433.953,00 KM
3.2	funkcionalnosti upravljanja pomagalicima	760.500,00 KM
4.	Nabavka nadogradnje laboratorijskog informacionog sistema (LIS)	690.300,00 KM
5.	Nabavka backup servera za zdravstveni informacioni sistem Zeničko-dobojskog kantona, softvera za backup, komunikacijske opreme i opremanje prostora na drugoj lokaciji koje će se nalaziti izvan sjedišta Zavoda, za backup server	1.000.000,00 KM
	UKUPNO	8.148.746,80 KM

Član 4.
(Program utroška sredstava i Odluka o odobravanju sredstava)

- (1) Na prijedlog Ministarstvo zdravstva Vlada Zeničko-dobojskog kantona će donijeti Odluku o usvajanju Programa utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“- Izvor 10 Budžeta Zeničko-dobojskog kantona za 2026. godinu (u daljem tekstu: Program) i Odluku o odobravanju sredstava u skladu sa navedenim Programom.
- (2) Na osnovu Odluke o odobravanju sredstva iz stava (1) ovog člana Ministarstvo zdravstva će zaključiti ugovor o prenosu sredstava sa Zavodom kojim će biti definisana prava i obaveze ugovornih strana.

Član 5.
(Doznačavanje sredstava)

Finansijska sredstva će se doznačavati Zavodu u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta, odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 6.
(Obaveza Zavoda)

Zavod je obavezan sa doznačenim sredstvima postupati u skladu s propisima iz oblasti budžetskog računovodstva, javnih nabavki i općim aktima Zavoda, te doznačena sredstva koristiti u skladu sa Programom iz člana 4. ove odluke.

Član 7.
(Izveštavanje)

- (1) Zavod je obavezan Ministarstvu zdravstva dostaviti obrazložen finansijski izvještaj o namjenskom utrošku sredstava sa pratećom računovodstveno-finansijskom dokumentacijom na način i u rokovima utvrđenim u Odluci i ugovoru iz člana 4. ove odluke.
- (2) Ministarstvo zdravstva je obavezno Vladi Zeničko-dobojskog kantona dostaviti izvještaj o utrošku sredstava u skladu sa Zakonom o izvršavanju Budžeta Zeničko-dobojskog kantona za 2026. godinu.

Član 8.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-910/26
Datum, 14.01.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,
1x Ministarstvo finansija,
1x Zavod zdravstvenog osiguranja Zeničko-dobojskog kantona,
putem Ministarstva zdravstva,
1x „Službene novine Zeničko-dobojskog kantona“,
1x a/a.